

آبونه شرايطی

ممالك عثمانیه ده سنه لکی (۶۵) ، آلتی
ایلغی (۳۵) غروشدور .
ممالك اجنبیه ده سنه لکی (۱۷) ، آلتی
ایلغی (۹) فرانقدور .

اداره خانہ

باب عالی جادہ سندھ دائرہ مخصوصہ

اخطارات

آبونه بدلی پشیندر .

§
مسلك موافق آثار مع الممنونيه قبول
اولونور . درج ابدله ين يازيلر اعاده
اولونماز .

افطارات

رساله مزدن آئندى كوسترلك شرطيله
يتون يازيلر هر هانكى برخته طرفندن
اقتباس اولونه ييلير .

مکتوبلارک، امضالری واضح و او قوناقلی
اولسی و آبونہ سرہ نومروسى محتوی
بولونسی لازمدر .

عمالك اجنبيه ايچون آبونہ اولانلرك
آدرسلىرىنىڭ فرانسىزچەدە يازىلىشى رجا
اولتور .

پایه کوئندردلیدیکی زمان نه یه داتراولدیغنک
واضحاً بیلدیرلسی رجا اولنور .

دینی ، فلسفی ، علمی ، ادبی ہفتہ لک مجموعۂ اسلامیہ در .
 باش محرر
 صاحب و مدیر مسئول
 محمد عاکف
 اشرف ادیب

والله يهدي من يشاء الى صراط مستقيم

اتبعون اهدكم سبيل الرشاد

مجلس عالی علمینک جهاد اکبر حقنده کی بیاننامہ سی

[اشبو بیاننامہ نك كافة انظار اسلاميه ده نشر واعلاني اراده ایدرم فی ۴ محرم سنہ ۳۳۳] خط ہایونیلہ توشیح وامضای خلافتناہی ایلہ قرین بویوریان ویک اوج یوز اوتوز اوج سنہ ہجریہ سی محرمک ایکنجی جمعہ ایتسی کونی باب فتواد منعقد «مجلس عالی علمی» طرفندن تنظیم وامضا ایدلش اولان آئیدہ کی بیاننامہ، مسلمینک دعوت ایدیلدیکی جهاد علونیک، اسلامیتک دشمنی اولوب عداوتنری مقام خلافت اسلامیه بہ هجوم وصولتیریلہ اظهار اثبات ایدلرہ قارشی اولدینی وحکومت سنیہ ایلہ ینلرنده کی عہودہ رعایت و ابراز آثار مودت ایلہ بن ودول سائرہ تبعہ لریلہ متقابلاً حسن معاشرت، اسلامک شعار عدل ومسلمتی ایجابندن بولوندینی بیانیلہ مقام مشیخت اسلامیه جہ تعمیلاً تبلیغ ایدلمشدر .

ملل واقوام ایچون مواہب سبحانہ دن اولان نم استقلالی احیایہ چالیشہرق بہریتی تحت اسارتہ آتی ایستہ بن وعصرلردن بری سعادت بشریہ نك غدار بردشمن بیامانی اولان موسقوف حکومتک شرق قریب وبیمیدہ حدوشہ سببیت ویردیکی مصائبندن بودفہ مرکزی آوروپادہ آزادہ قالہ مایہرق اشتعال ایدن حرب عمومیدہ میلونلر جہ اسلامی ربقہ اسارتندہ بولوندرمنی غرورمیلرینک اک آھنکدار ذوق عد ایدن وشو حاکمیت ظالمہ غیر مشروعہ لرینک تحتندہ غصب حریت وتأمین منفعت کی درلو درلو آمال خسیسہ بسلہ بن وبناء علیہ عالم اسلامک نقطہ استنادنی تشکیل ایدیکی واسلامیتک مدار قوامی بولوندینی ایچون خلافت جلیلہ اسلامیه بی صارصق وبومقام عالی بی ممکن اولدینی قدر ضافہ اوغراتمی حسن کین آلودینی سینہ لردن بر آن آیرمایان انکثرہ و فرانسه حکومتلرنی دہ کندیسنه پیروقیلمشدرہ ائتلاف مثلث نامنی طاشیان اشبوہیت جبارہ پکن عصرده هندستاندہ کی، آسیای وسطادہ کی وآفریقانک اکثر جہاندہ کی اقوام اسلامیه بی کافہ حاکمیت وحکومتلردن وحقی حریتلردن محروم ایتدکاری کی یارم عصری متجاوز بر زماندن بری یکدیگریہ ظہیر اولہرق ممالک عثمانیہ نك پک قیدتدار بر طاقیم اقسامنی ضیاء اوغراتمشلرودھا دون دینہ جک قدر یقین بر زماندہ دخی قومشولریمزی تشجیع وحایہ ایدہ رک وقوعہ کتیردکاری بالقان حربندہ نیچہ یوزیک نفوس معصومہ اسلامیه نك ہدر اولاسنہ ویکلر جہ باک دامن مخدرات اسلامیه نك جوہر عصمتلرینک چاک چاک ایدیلسنہ ومقدسات جلیلہ اسلامیه نك بازیمچہ هوسات اولہسنہ معنأ ، مادہ سبب اولدقاری کی بودفہدہ بوتون کرۂ ارضی بر محشر ہجرا حالنہ کتیرہ جک اولان ہر نوع اختلاطاتی التزامہ وبو آتش جنک وجدالک اکلوسوز شرارہ لرینی نہ قلبکام امت محمدہ دوغرو صاچفہ باشلامشدر وتزییات ملامتکارانہ لریلہ الیاذباللہ نورمبین آلہی بی اطفایہ ساعی بولونمشلردر . «یریدون ان یطفئوا .. الخ» قوت قادره وقدرت قاهرہ سنی ادراکدہ عقول بشرک عاجز وقاصر بولوندینی فرمان فرمای اکوان خدای ایچون عظیم الشانک سعادت دارین بہریت ایچون نور کزین آلہی اولان وصیانت جلیلہ صمدانیہ سیلہ مبشر بولونان دین مبین اسلامہ قارشی اظهار عداوت ایلہ ینلرک ایرکیغضب الہی بہ دوچارومعناً ومادۂ تارومار اولہ بقلری درکار اولوب خادم الحرمین العزیزین خلیفہ مسلمین ایدہ بالنصرالمین حضرتلری قرۃ العینون مؤمنین بولونان بیت الحرام وروضہ مطہرۂ فخر الانام ایلہ قدس شریفی ونجف وکربلا ومركز خلافت علیانی ، وحاصلی مقامات انبیاء، مرقد اولیا ومنازل شہدا اولان بوتون دارالاسلامی مستعیناً بتوفیق اللہ شثامت تسلطدن صیانت وناموس دین مبینی شوائب مذہبن حایت ایتک واعلای کلمۃ اللہ فریضہ مهمہ سنک باکال شہامت استکمال مقتضیاتنہ توسل ایلہ مک اوزرہ عامۂ مسلمینی بالادہ کی فتاوی شریفہ احکام منیفہ سنہ توفیقاً جہاد عمومی بہ دعوت وسالف الذکر اعدای اسلامیتک قہر وتدمیری ایچون قہار ذوانتقام اولان جناب منزل القرآنندن نیاز نصرت وعنايت ایلہ مک خصوصنی خلافت جلیلہ اسلامیه نك اعظم وظائفندن بیلمشدرہ مقام خلافت قلمرو حکومتندہ بولونان تبعہ عثمانیہ نك یکرمی یاشندن فرق بش یاشنہ قدر اولانلرنی بلا استثناء تحت سلاحہ دھوت ایدہ رک بحولہ تعالی تجہیز ایدیکی اردو ودونانہای ہایون ایلہ شمدی بہ قدر عمرلرنی نشر علمہ وقت ایتش بولونان علمای مدرسین ومعلمین . اید و استقبالی دین وملت اولان بالعموم طلبہ علوم وفنون ایلہ قسم اعظم مأمورین، بیکس عائلہ رک شیخ

«وکذلک جعلناکم الى اخره» آیت جلیلہ سی حکمنجہ دین مبین اسلامک سرزولی سیر جلیلہ جناب رسالتناہی اتباع ونوع انسانیتک حائز اولہسی لازم کلن فضائل ومزیاتی اکتساب ایلہ بین البشر نمونۂ امتثال اتخاذ اولونہ حق برامت فاضلہ تأسسی ایلدیننہ کرورہ مبناسی وحدت وتوحیدہ شماری علم وعمل ، ہدفی حق وسعادت بشر اولان بودین طالبینک ہماہکی قومہ ، ہانکی اقلیمہ ، ہانکی حکومتہ منسوب اولورلرہ اوسونلر کافہ افرادی قلبلری اللہ ، یوزلری کعبۃ اللہ متوجہاً لواء الحمد محمدي آلندہ طویلالمش وناصیلرینہ «ایاک نعبد وایاک ..» الی اخرہ نشانہ احتشامی یازیلدیندن دولای یالکیز حضور رب العالمیندہ سرنکون حضور اولش بر امت معظۂ وحدانیہ حائندہ یاشامہ لری وجامعۂ شوکتلرینہ تعدی ایتک ایستہ بن اہل بنی وفساد دائماً «یقاتلون فی سبیلہ .. الخ» سیای مہابتی کوستریورمک خصیصہ سنہ مالک بولونمالری ایجاب ایدر .

ای اللہک مطیع قوللری اولان مسلمانلر !

فلاح ونجات موحدین ایچون جہاد کیدنلردن صاغ قالانلرک نصیبی سعادت . عقباہ رحلت ایدنلرک رتبہ سی شہادتدر . احیای حق بولندہ فدای جان ایدنلرک وعد جلیل آلہی موجبنجہ دنیاسی عزت ، عقباہی جنتدر .

شيخ الاسلام ومفتي الانام خيرى، شيخ الاسلام ومفتي الانام سابقا ضياء الدين، شيخ الاسلام ومفتي الانام موسى كاظم، شيخ الاسلام ومفتي الانام سابقا اسعد، امين الفتوى على حيدر، قاضى العسكر عمر خلوصى، قاضى العسكر عطاءه افندى زاده محمد شكرى، قاضى العسكر ابراهيم اسعد، قاضى العسكر مصطفى توفيق، قاضى العسكر احمد خلوصى، قاضى العسكر محمد اسعد، قاضى العسكر نجم الدين، قاضى العسكر محمود اسعد، قاضى العسكر وامين فتوى سابقا توفيق، قاضى العسكر عصمت، مستشار المشيخة الاسلاميه اوليا زاده ابراهيم اولياء القاضى بدار الخلافه العليه مصطفى رضا، وكيل الدرس على، رئيس مجل التدقيقات الشرعيه حسين كامل، السلطانيه المقرر الاول الدرس بالحضره محمد اشرف، السلطانيه المقرر الثانى الدرس بالحضره نصوح افندى زاده مصطفى عاصم، السلطانيه المقرر الرابع الدرس بالحضره طرنوبلى ولدان، السلطانيه المقرر الخامس للدرس بالحضره محمد حلمى، السلطانيه المقرر السادس للدرس بالحضره آيدوسلى سعاد، السلطانيه المقرر الثامن للدرس بالحضره ايوب، رئيس مجلس المشايخ محمد اسعد، رئيس المسودين احمد اسعد، مدير الاعلامات الشرعيه على، مكتوبى المشيخة الاسلاميه ماردى يوسف صدق افندى زاده ابوالعلا.

اى عزت وسعاده تشنه و دلداده و اى اعلاى حق بولنده بذل مال و جان ايدرك هر درلو مهالك و مخاطراته و مجاهداته كو كس و برمه آماده اولان مسلمانلر !

ايكى جهانده سعادتي بزم ايجون تقدير ايتديكى قرآن كريمده وعد و تبشير ايدن الله عظيم الشانك « واعتصموا » الخ « آيت جليله سنده كى امر سبحانه يسنه امتثالاً كوكل برلكيله تخت على سلطنتك اطرافنه طويلانه رقى وال برلكيله كرسى معلاى خلافتك آياقلىنه صابله رقى بيليكزكه دولتمز بوكون اسلاميتك عندوجاني اولان موسقوف، انگليز و فرانسز حكومتلى و متفقلىله محارب بولونيور . امير المؤمنين و خليفه مسلمين حضرتلى سزى جهاده دعوت ايدنيور .

اى مجاهدين اسلام !

جناب حقك نصرت و عنايتى و نبى محترمك مدد روحانيه اعداى ديني قهر و تدمير و قنوب مسلميني سمردى سعادتلره تسرير ايله مكنز وعد جليل الهى الله مؤيد و مبشدر .

« قاتلوهم يعذبهم الله .. » الى آخره صدق الله العظيم .

فى سبيل الله جهادك حقيقتى، غايه سى، حكمى، مجاهدينك وظائفى

فى سبيل الله جهادك حقيقتى

هم بزم شو حر كتمز جناب حقك رضاي الهيسى جالب در . الله ذو الجلال حضرتلى : « لا ينهاكم الله عن الذين لم يقاتلوكم فى الدين ولم يخرجوكم من دياركم ان تبوءهم و تقسطوا اليهم ان الله لا يحب المفسدين . انما ينهى الله عن الذين قاتلوكم فى الدين و اخرجوكم من دياركم و ظاهروا على اخر اجكم ان توليهم و ممن يتولهم فاولئك هم الظالمون » جناب حق سزكه دين محاربه سى ايتمه ينلره ، سزى يوردلر كزدن چيقارماياند قارشى ايسلكله، عدل ايله معامله ايتكندن سزى نهى ايتمز . جناب حق عدل ايله حركت ايدنلى سور . الله سزى انحق او كيمسه لره قارشى دوستلق كوسته مكن نهى ايدركه سزى مملكيتلر كزدن چيقارمش و چيقاريله كزديارديمده بولنمش در . بويله لرينه دوستلق كوستنلر يوقى، ايشته اونلر ظالمدرلر . بو يوريورلر . ديكر بر آيت جليله ده ايسه « فا استقا موا اليكم فاستقيموا لهم ان الله يحب المتقين » اونلر سزده قارشى طوغر و لقله حركته بولوندى قجه سزده اونلره قارشى طوغر و لقله حركت ايدكز . البته جناب الله متقيلى سور . « بو يوريورلر . عليه الصلوة والسلام افنديمز » استوصوا باهل الذمة خبراً = ذميرلره قارشى ابي معامله ده بولونمى سزده توصيه ايدرم . « بو يوريور . عالم شهر شهاب قرافى ككتاب الفرقنده ديوركه : « ذميرك بزم ذمتزده بولونمى ، بزم ده كنديلرينه بر طاقم حقوق بخش ايتمه سزى ايجاب ايدنيور . بناء عليه هر كيم ، ذمتزده داخل اولانلى ولو آجى بر سوزله ، ولو عرضنه دخل صورتيله ، ياخود ديكر بر صورتله رنجيده ايدجك اولورسه ، حتى طوغر و لقله طوغرى به بوكا جرأت ايتمه رك بو خصوصيه ديكر برينه معاوننده

س — دين اسلام نظرنده فى سبيل الله جهادك حقيقتى نه دن عبارتدر ؟

ج — دين اسلام نظرنده فى سبيل الله جهادك معنى حقيقيسى اعداى اسلامه قارشى بذناً، مالا محاربه ايتك ايجون بذل مجهود ايتك، اولانجه قدرتى صرف ايتك در . شو قدر واركه اعداى اسلام دينلنجه مسلمانلره ديناً مخالف اولانلر ك كافه سى آ كلاشيلماملر در . اوت ، اعداى اسلامدن مقصد ، بزه قارشى دين محاربه سى ايدن ، بزي مملكيتلر مزدن سوروب چيقاران ، وطنلر مزه مستولى اولان ، ياخود بزه دشمنك ايدنلره يارديمده بولونانلر، ياخود بولونمق ايسته ينلر آ كلاشيلملى در ؛ كه موسقوفلرله انگليزلر ، فرانسز و بولنلره انضمام ايدن ملتلر بو كروهندن در . لكن بزه قارشى دين محاربه سى ايتمه ينلر ، وطنلر مزه مستولى اولوب بزي يوردلر مزدن چيقارمش اولمايانلر ، اكر خيانتلى كورولمه ين صادق ذميردن ايسه ، ياخود آلمان ملتيله اونك ائرينه تبعت ايدن ملتلكى كنديلريله آراسزده بر معاهده موجود ايسه بولر هيچ بر زمان بزم دشمنمز دكلدر .

بوندن باشقه اونلر صيانت ايتك ، اونلره قارشى عدل و انصافدن هيچ بر زمان آيريلماق ؛ ملزله ، جانمزه ، آتمزه ، سلاهمزه كنديلرلرغى مدافعه ده بولونمق ؛ اونلره آل الله و يروب بزم دشمنمز و اونلر دشمننه قارشى يورومك ؛ بو اوغورده قاتمرك صوك دامله سنه و ارنجهيه قدر آيتمق ؛ بونلر كيمسه طرفندن ولو آجى بر سوزله اولسون ايجيديله سنه ميدان بر ائامق بزم مسلمانلر ك اوزرينه فرضدر .